

## פרק צ

א תִּפְלֶה לְמֹשֶׁה אִישׁ־הָאֱלֹהִים אֲדֹנָי מַעֲוֹן  
אֶתָּה הָיִיתָ לָּנוּ בְּדָר וְדָר: ב בְּטָרָם | הָרִים  
יִלְדוּ וַתַּחֲלִל אֶרֶץ וַתִּבֵּל וּמַעֲוֹלָם  
עַד־עוֹלָם אֶתָּה אֵל: ג תָּשָׁב אָנוּשׁ עַד־דָּכָא  
וַתֹּאמֶר שׁוּבוּ בְּנֵי־אָדָם: ד כִּי אֶלֶף שָׁנִים  
בְּעֵינַיִךָ כְּיוֹם אֶתְמוּל כִּי יַעֲבֹר וְאַשְׁמֹרֶה  
בַּלַּיְלָה: ה זָרַמְתָּם שָׁנָה יִהְיוּ כַּבֶּקֶר כְּחֹצִיר  
יִחַלְוּ: ו בַּבֶּקֶר יִצְיֵץ וְחֶלֶף לְעָרֵב יִמּוֹלֵל  
וַיִּבֹשׁ: ז כִּי־כִלִּינוּ בְּאַפְּךָ וּבַחֲמַתְךָ נִבְהַלְנוּ:  
ח שֶׁתָּ [שֶׁתָּה] עֹנֵתֵינוּ לְנִגְדְּךָ לְעַלְמֵנוּ  
לְמֵאוֹר פְּנִיֶךָ: ט כִּי כָל־יָמֵינוּ פָּנוּ בְּעִבְרַתְךָ  
כִּלִּינוּ שָׁנֵינוּ כְּמוֹ־הֶגְהָה: י יָמֵי שָׁנוֹתֵינוּ | בָּהֶם  
שִׁבְעִים שָׁנָה וְאִם בְּגִבוּרַת | שְׁמוֹנִים שָׁנָה  
וְרֵהָבִם עָמַל וְאָנוּ כִּי־גָז חָיִשׁ וְנִעַפָּה:  
יא מִי־יֹדַע עַל אַפְּךָ וְכִירְאֶתְךָ עִבְרַתְךָ:  
יב לְמִנּוֹת יָמֵינוּ כִּן הוֹדַע וְנִבְּא לְבַב חֲכָמָה:  
יג שׁוֹבָה יִהְיֶה עַד־מָתִי וְהִנָּחִם עַל־עֲבֹדְיֶךָ:  
יד שִׁבְעֵנוּ בַּבֶּקֶר חֲסִדְךָ וְנִרְנְנָה וְנִשְׁמָחָה  
בְּכָל־יָמֵינוּ: טו שְׁמַחְנוּ כִּימֹת עֲנִיתָנוּ שָׁנוֹת  
רָאִינוּ רָעָה: טז יִרְאָה אֶל־עֲבֹדְיֶךָ פְּעֻלָּךָ  
וְהִדְרֶךָ עַל־בְּנֵיהֶם: יז וַיְהִי | נָעַם אֲדֹנָי  
אֱלֹהֵינוּ עָלֵינוּ וּמַעֲשֵׂה גְדֵינוּ כּוֹנֵנָה עָלֵינוּ  
וּמַעֲשֵׂה יְדֵינוּ כּוֹנֵנָהוּ: